

ESPAAZO CONCILLIA 2023



Diseño: Vía Status - Unifogart Multimedia



CONCELLO
DE POIO
Concellería de Igualdade



XUNTA
DE GALICIA

CONSELLERÍA DE
PROMOCIÓN DO
EMPREGO E IGUALDADE



GOBIERNO
DE ESPAÑA

MINISTERIO
DE IGUALDAD



CORRESPONSABLES

BASES DA CONVOCATORIA DO “ESPAZO CONCILIA” 2023

1.- CONTIDOS

A Concellería de Igualdade e o Centro de Información á Muller convocan o “Espazo Concilia”; un espazo socioeducativo de lecer e de apoio á infancia para favorecer a conciliación da vida laboral e familiar e fomentar a corresponsabilidade. Ao longo do verán traballarase cos cativos e cativas arredor da igualdade, a corresponsabilidade e a prevención da violencia a través de diversos obradoiros e actividades.

2.- NÚMERO DE PRAZAS E PERSOAS DESTINATARIAS

O número de prazas ofertado é de 45. Poden solicitar a participación no “Espazo Concilia” os/as nenos/as con empadramento ou escolarizados/as no concello de Poio, e fillos e fillas de persoas que teñen o seu posto de traballo no municipio de Poio, nados e nadas entre os anos 2011 e 2019 (ambos inclusive).

3.- LUGAR DE REALIZACIÓN, DATAS E HORARIOS

O ESPAZO CONCILIA desenvolverase nas instalacións do CEIP Viñas, sito en Rúa Viñas, 2, Poio, entre o 3 de xullo e o 8 de setembro, de luns a venres, en horario de 07.30 a 15.00 horas.

4.- INSCRICIÓNS

As solicitudes de inscrición poderán presentarse a través da [sede electrónica do Concello](#) aberto 24 horas, ou ben con cita previa no Rexistro Xeral do Concello de Poio ou no rexistro habilitado da Casa Rosada (para as solicitudes do “Espazo Concilia” en exclusividade), en impreso normalizado para este fin, xuntándose a documentación que se relaciona no impreso.

O prazo para presentar as solicitudes comezará o día 10 de maio e rematará o día 23 de maio (ambos inclusive)

5.- PREZO

Os prezos públicos para o Espazo Concilia foron aprobados pola Xunta de Goberno do Concello de Poio.

Tarifas:

25 €/ mes de xullo

25 €/ mes de agosto

10€/ mes de setembro

NOTA IMPORTANTE: A matrícula conleva a ACEPTACIÓN DO CONSENTIMENTO INFORMADO que aparece como Anexo I das presentes bases, dispoñibles na páxina web do Concello de Poio e na sede do CIM. Non se contempla a devolución do importe da matrícula agás que o programa ESPAZO CONCILIA non poida realizarse, ou se cancele por non acadar o número mínimo de asistentes. Neste caso, o Concello devolverá o importe íntegro da cota.

6.- SELECCIÓN DE PARTICIPANTES

Unha vez rematado o prazo de presentación de inscricións, adxudicaranse as prazas segundo o seguinte baremo, no caso de existir maior demanda que oferta:

6.1.- SITUACIÓN LABORAL

- Familia con dous proxenitores en activo (10 puntos)
- Familia onde só un/ha proxenitor/a estea en situación laboral activa (5 puntos)
- Familia monoparental/monomarentais en situación laboral activa (15 puntos)

6.2.- SITUACIÓN SOCIOFAMILIAR

- Familias monoparentais/monomarentais (2 puntos)
- Familias numerosas (2 puntos)
- Menores pertencentes a familias de especial vulnerabilidade (2 puntos)
- Menores empadroados/as en Poio (12 puntos)
- Menores escolarizados/as en Poio (12 puntos)
- Menores con grao de discapacidade recoñecido polo Organismo correspondente (mínimo 33%) (2 puntos)
- Dous o máis fillos/as matriculados/as na mesma ludoteca e quenda (1 punto)

6.3.- SITUACIÓN ECONÓMICA

- Participantes dunha unidade familiar que non teña ingresos superiores a 3 veces o indicador público de renda de efectos múltiples 2022 (IPREM: 1737,06 €/mes ou 20.844,72 €/ano) (10 puntos)
- Participantes dunha unidade familiar que non teña ingresos superiores a 6,5 veces o indicador público de renda de efectos múltiples 2022 (IPREM: 3.763,63 €/mes ou 45.163,56 €/ano) (5 puntos)
- Familias monoparentais/monomarentais ou familias numerosas dunha unidade familiar que non teña ingresos superiores a 10 veces o indicador público de renda de efectos múltiples 2022 (5.790,2 €/mes ou 69.482,4 €/ano) (15 puntos)

En caso de empate na puntuación, adxudicarase a praza por orde de inscrición.

O 10% das prazas (4 prazas) están reservadas para usuarios e usuarias dos Servizos Sociais e Centro de Información á Muller (CIM) do Concello que subvencionarán as mesmas, previo informe da profesional correspondente.

7.- DOCUMENTACIÓN NECESARIA PARA FORMALIZAR A INSCRIPCIÓN

- Solicitud de inscripción ([Descargar en PDF](#))
- Fotocopia do DNI do pai/nai/titor/a
- Fotocopia da tarxeta sanitaria do neno/a
- Fotografía tamaño carne do neno/a
- Fotocopia do documento acreditativo da discapacidade (mínimo 33%)
- Fotocopia do DNI ou libro de familia do/a menor
- Fotocopia do documento acreditativo de ser familia monoparental/monomarental ou numerosa
- Certificado ou documento acreditativo de estar escolarizado/a nun centro educativo de Poio (só para o caso de non estar empadroado)

- Fotocopia da folla do contrato laboral onde conste o lugar do posto de traballo para acreditar o requisito do desempeño do posto de traballo en Poio e cabeceira da última nómina, vida laboral actualizada ou informe de situación actual de estar en activo expedido pola Tesourería Xeral da Seguridade Social.
- Última declaración da renda dos membros da unidade familiar (2021) ou certificado de non declarante de renda.
- Informe social (so en caso de pertencer a colectivos vulnerables)
- A organización comprobará o empadramento no padrón municipal do concello de Poio.

Outra documentación

Documentación relevante sobre datos médicos (enfermidades, alerxias, medicación) ou situacións familiares que sexa preciso coñecer para o bo desenvolvemento da actividade.

8.- PROCESO DE SELECCIÓN

- **Baremación das solicitudes e documentación** segundo o previsto no punto 6 destas bases. A baremación farase nas instalacións da Casa Rosada pola Directora e psicóloga do Centro de Información á Muller.
- **Publicación da listaxe provisional de admitidos/as** coas puntuacións acadadas o día 5 de xuño, no taboleiro de anuncios do Concello, en <https://concellopoio.sedelectronica.gal/board/>, e no Centro de Información á Muller.
- **Emendar erros e/ou falta de documentación**, presentación de reclamacións ou presentación de renuncias: do 6 ao 7 de xuño.
- **Publicación da listaxe definitiva de admitidos/as e da listaxe de agarda** cos/as solicitantes excluídos/as que seguirá a orde que resulte da baremación: 12 de xuño no taboleiro de anuncios do Concello, en <https://concellopoio.sedelectronica.gal/board/> e no Centro de Información á Muller.
- En función das baixas que se produzan na actividade os/as nenos/as accederán á ludoteca seguindo a orde na que figure na lista o que será debidamente notificado por teléfono e/ou correo electrónico
- **Confirmación da praza co pago da matrícula** no número de conta **ABANCA: ES86 2080 5419 9130 4011 6625** poñendo como concepto “Nome e apelidos do menor e ESPAZO CONCILIA e quenda na que está inscrito/a: do 13 ao 14. Deberase ademais remitir o xustificante de pago do importe da actividade ao Centro de Información ás Mulleres mediante correo electrónico: igualdade@concellopoio.org ou de xeito presencial. No caso de non aboarse o importe no prazo sinalado entenderase como renuncia e a lista correrá segundo a orde que resulte da baremación.
- Se unha vez obtida a praza e aboada a cota de inscrición, o/a participante non puidera asistir á actividade, non terá dereito a devolución da cota e entrará o seguinte neno/a, en reserva, salvo por causa debidamente xustificada e acreditada documentalmente (morte, enfermidade grave ou hospitalización do/a menor ou familiar de 1º grao).

9.- PUBLICIDADE DA ACTIVIDADE

As bases para o “Espazo Concilia” da presente convocatoria atópanse no Centro de Información á Muller sito na “Casa Rosada” e no [taboleiro de anuncios do Concello](#) no e no [Portal de Transparencia](#).

A estes efectos terase en conta o disposto na disposición adicional sétima da Lei 3/2018, do 5 de decembro, de Protección de Datos persoais e garantía dos dereitos dixitais.

Nos listados provisionais e definitivos de menores admitidos e excluídos se fará constar o número de rexistro de entrada da solicitude de inscrición.

10.- FINANCIAMENTO E CUSTE DO SERVIZO

A prestación do servizo “ESPAZO CONCILIA” ten un custo de 17.286,68 euros (IVE engadido), que se sufragará en parte polas tarifas abonadas polos participantes da actividade e por unha subvención da Secretaría Xeral de Igualdade da Xunta de Galicia.

11.- INTERPRETACIÓN DAS BASES

Todas as cuestións que poidan derivar da interpretación destas bases resolveraaas o Servizo de Igualdade do Concello de Poio.

12.- TRATAMENTO DE DATOS DE CARÁCTER PERSOAL

En cumprimento co establecido na actual normativa de Protección de Datos de Carácter persoal, os datos persoais recadados neste procedemento serán tratados na súa condición de responsable polo Concello de Poio, coa finalidade de levar a cabo a súa tramitación administrativa que se derive da xestión deste procedemento.

As persoas interesadas poderán acceder, rectificar e suprimir os seus datos, así como exercer outros dereitos, tal e como se explica na información adicional sobre [protección de datos na páxina web do Concello de Poio](#).

ESPAZO CONCILIA 2023



CONCELLO
DE POIO
Concellería de Igualdade



XUNTA
DE GALICIA

CONSELLERÍA DE
PROMOCIÓN DO
EMPREGO E IGUALDADE



CORRESPONSABLES